



MANUEL VIANA

E PIONERO

DI AVIASHON ANTIYANO



E Loening PJ-ZAA ku a hasi e promé buelonan entre Ruba i Kòrsou. Aki bou e promé ènvelòp di èrmel entre Ruba i Kòrsou.



Manuel Viana

E siudadano rubiano sr. Manuel Viana ta nos pionero di aviashon. Viana a kumpra un avion, ku a keda destruí totalmente dos luna despues, pa un bientu fuerte ora ku un orkan a pasa hopi seka di Ruba. Viana a bolbe kumpra un avion, e biaha akí un Kinner Bird ku dos stul pa \$ 5.000,-, huntu ku su sosionan sr. Jim Massey i sr. James Hathway.

Nan tabata hasi buelo di sightseeing pa \$ 5,- riba e isla, pero Viana su interes tabata bai mas ayá i el a kumpra un Loening Amphibian di Standard Oil Company (Creole) na Venezuela, ku un kapasidat pa 12 pasahero. El a logra pasa tur 'red tape' i a haña pèrmit pa hasi buelo regular entre Ruba i Kòrsou, únikamente te ora ku KLM bin Kòrsou. Cura Cabai tabata su

èrpòrt i por a baha tantu riba tera komo riba awa. Tabatin dos buelo pa siman, ku tabata dura 45 minüt i kasi semper nan tabata yen.

Ora SNIP a bin Kòrsou na desèmber di 1934 KLM a ofresé Viana \$ 3000,- pero el a nenga i a regal'é na su amigu Joe McCord i a parker e avion, kaminda nunca mas por a bolbe uz'é.

INDEPENDIENTE òktober 1989